

he / vnd kan desto leichter verrichtet werden.
 Wo aber grosse Gärten sind / da jährlichen
 viel Bäume eingehen vnd verdorren / der
 halben man immer neue zeugen muß / so
 wol auch / wenn raum verhanden ist / da
 man neue Gärten anleget / so bekleiß auch
 auff die Bäume nicht alle / wenn sie fortge-
 setzet / derhalben stets von nöthen ist / junge
 Bäume zu zeugen / vnd eine Baumschule
 zu halten bey alten Gärten / so ihrer gleich
 vbrig seyn möchten / so gelten solche gerne /
 vnd ist der Bauren Kauff so wol / als von
 fürnehmen Leuten.

Das 5. Capitel. Vom pfröpfen.

S du nun den Gezeug beyhanden /
 Item die gesekten Stämme wol
 beklieben seyn / die auff's wenigste
 zwey Jahr versetzt gewesen / vnd wol in die
 Reiser oder Schösser getrieben haben / so
 soltu sonderlichen auff den Mondenschein /
 wie alt der sey / achtung geben / vnd auff ein
 glückseliges Zeichen im Calender sehen /
 N iij wie